

commodemus, non ad materiam. Quâ ex causa nunc illud quoque est, quod verba hæc, in magnitudine ingenii alteri periodo vindicanda ducamus. Ut sensus tandemis emergat: *Discriminabis humum ignem passam, subtilians, ut sic loquar, pingue ejus densitatem beneficia rei omnium suavissimæ. Ingenii sagacitate ascendens à terra in cælum, iterumq; descendens in terram, ac virtutes superiorum atque inferiorum coadunans ; Sic habebis gloriæ totius mundi.* Et hæc verba in posterius hoc incisum locari debent; si non vocibus, at sensu. Est namq; integra periodus (*Ingenii sagacitate ascendens &c.*) rerum de quibus verba ab Hermete facta quasi summa quædam, semel omnia quæ antecessere complectens, & hoc vult: *Si ingenio ascenderis &c. habiturum te omnia scito quæ expetas.* Cave ergo verba isthæc putas novarum Tibi operationum necessitatem, quarum in præcedentibus mentio facta nulla, imponere. Atq; hæc de his Tibi habeto.

C A P. VI.

De nono, decimo, & undecimo inciso differitur.

Subjungit Trismegistus: IDEO FUGIAT A TE OMNIS OBSCURITAS. *Obscuritas h. l. idem est, quod ignobilitas; & obscuri חַשְׁכִּים sunt ignobiles, & abjectæ sortis homines:* quibus opponuntur כָּבָדִים viri celebres ac honorati; sic dicti à כָּבָד gloria, quam vocem Hermes scitè obscuritati אֲלִילֶתְהָי. Quod deinde dicitur; HIC EST TOTIUS FORTITUDINIS FORTITUDO FORTIS: QUA VINCET OMNEM REM SUBTILEM OMNEMQUE SOLIDAM PENETRABIT, sic intelligendum est, res ea, quæ ad Naturæ præscriptum à Philosopho è mater